

Es Loch es Loch es Loch es Loch es Loch en huufe Löcher  
es Loch es Loch es Loch es Loch jä Löcher noch ond nöcher  
es Loch es Loch es Loch es Loch es Loch ich fang a flueche  
well set`ere Halbstond duen ich scho z`Rinike d`Hauptstross sueche

Die neue Robby-Dog Chäschte do die chan ich ned lobe  
well das Loch du wo die händ esch nähmli vell zwit Obe  
min Hond de mag e gottsname bem Stuehle ond bem Seiche  
er cha sech müeh geh wiener wot ned bes dert ufe breiche

De Hueber het de Röcktritt geh er wot zom Gmeirot us  
do chörzlech vor de Wahle lütetz ar Töre vo sim Hus  
die 3 bliebende Röt händ en bestörmt chom weder mer tüend ned g`spasse  
mer händ vernoh d`Koller ond de Äberli die chönne schiends ned Jasse

Die Algepest a der Adria do hauts`di os de Socke  
do bruchsch nömm för tüürs Gäld of Italie an Strand go hocke  
nei do chasch nähmli grad so guet z`Rinike en Dorfbachweiher  
gratis go n`es Schlammbad neh em Öl vo de Ferma Treier

Be dem Hochhus do vis a vis vo de Gmei het mer de Hueber gseit  
heiged sie be de Planig do vollgendes öberleit  
störmts ond schneyts hets zwenig Platz ond niemer wott nassi Socke  
jo denn cha me de wenigstens enand no of d`Scholtere hocke

Das eus kei Häxeschoss me ploget kei Grepp ond kei Migrääne  
das mer kei Schmärze me händ e de Bei em Rogge met de Zähne  
das weder Vollmond no Soff eus quält das leu sech rechte mini liebe  
mer müessi nor vom Neuquartier d`Starchstromleitig verschiebe

Nach 100. Jahr en Königssohn grette öber wyti Strecke  
duet er s`Dornrösli met`eme Koss weder zom Läbe erwecke  
wo fend`me äch de Königssohn ich tät das sogärn wösse  
den de setti ombedengt choge de Hersche kösse

Zersch hets Dach vom Schuelhus gseicht oh herjemineh  
drofabe em letschte Jahr das vom Zentrom Lee  
damet mer e paar Johre ned weder es Leck müend sechte  
wörd ich grad vo vornherein bem Altersheim ofs Dach verzechte

De Schuelhusabwart ond de Gmeindsarbeiter chrapfe wiene more  
em Uftrag vo eusere Gmei ond das sed vellne Johre  
hengäge eusi Finanzverwalter säged ned jetz blöff`er  
die chönde emmer? nei ned emmer, aber emmer öfter

Ob Tornfahrt oder Jugendfescht Velo-Gv Gmeschtchorobe  
be de Terminplanige chan ich eus Riniker ned lobe  
s`wörd me dromm nömm verwondere s`wörd me nömm irritiere  
wen e de Sommerferie d`Schuel tät s`Schielager doreführe

Ich ha e grossi Wuet en mer vom Chopf bes zo de Füscht  
well du hesch mech Ueli Achermaa als Gmeindamme schwer entüschd  
du hesch mer of die Fasnacht he ned eis Sujet offeriert  
also eis das chader säge em Hueber wär das ned passiert

E Stei e Stei e Stei e Stei bigt`me vor em Schuelhus of d`Ärde  
e Stei e Stei ond als esch gspannt was för en Bou das wohl werd wärde  
e Stei e Stei e Stei e Stei s`het no velversprächend agfange  
aber so wes det obe jetz usgseht send dene schiembar d`Stei usgange

*10 Jahr Komedi* best of :1

Wänd er me bsueche? Ich be dehei onder „[www.komedi.ch](http://www.komedi.ch)“